



Aktualitet > Arrestohet “koka” e një grupi kriminal në Shkodër

AKTUALITET

Arrestohet “koka” e një grupi kriminal në Shkodër

Nga American Eye - 07/10/2021



Policia e Shkodrës ka vënë në pranga këtë të enjte drejtuesin e një grupi kriminal, person me rrezikshmëri shoqërore, i cili ishte shpallur në kërkim për veprat penale “Vrasja me dashje” mbetur në tentativë dhe “Armëmbajtja pa leje”.

Gjatë momentit të arrestimit të Luverdo Kolës, për të cilin policia thotë se është drejtuesi i një grupi kriminal, i është gjetur dhe një armë zjarri pistoletë që e mbante me vete.

“Operacioni i koduar “Alavana”, u zhvillua nga strukturat hetimore të DVP Shkodër, në bashkëpunim me Komisariatin e Policisë Shkodër, forcat “Shqiponja” dhe ato Operacionale, ku janë sekuestruar edhe 80 kilogramë lëndë narkotike cannabis sativa dhe një sasi municioni luftarak.

Në kuadër të këtij operacioni u bë arrestimi në flagrancë i shtetasit në kërkim Luverdo Kola, 30 vjeç, banues në Shkodër. Gjatë kontrollit fizik të ushtruar ndaj këtij shtetasi, Policia i gjeti një armë zjarri pistoletë dhe një krehër me fishekë, të cilët u sekuestruan në cilësinë e provës materiale.

Ky shtetas ishte i shpallur në kërkim, pasi Gjykata e Shkallës së Parë Shkodër, më datë 23.09.2020, i ka vendosur masën “Arrest në burg” për veprat penale “Vrasja me dashje” e mbetur në tentativë dhe “Armëmbajtja pa leje”. Më datë 01.09.2020, ky shtetas ka plagosur me armë zjarri shtetasin T. L.

Gjithashtu u bë shpallja në kërkim e njërit prej bashkëpunëtorëve, shtetasit Gezim (Gjin) Çakaj 52 vjeç, banues në Malësi të Madhe, i shpallur në kërkim, pasi me vendimin e datës 24.09.2018 të Gjykatës së Apelit Shkodër është dënuar me 4 vite burgim për veprat penale “Kultivimi i bimëve narkotike” dhe “Prodhimi dhe shitja e narkotikëve” kryer në bashkëpunim. Ky shtetas, në momentin që janë afruar shërbimet policore, duke përfituar nga terreni i pyllëzuar, është larguar.

Në kuadër të këtij operacioni është ushtruar kontroll në vendin e quajtur “Alavana”, fshati Xhan, në banesën e shtetasit Gezim (Gjin) Çakaj. Në banesën e tij u gjetën dhe u sekuestruan në cilësinë e provës materiale 80 kilogramë lëndë narkotike cannabis sativa dhe një sasi municioni luftarak.

Vijon puna intensive për identifikimin dhe kapjen e pjesëtarëve të tjerë të grupit kriminal, si dhe të personit të shpallur në kërkim.

Materialet do t’i kalojnë Prokurorisë së Rrethit Gjyqësor Shkodër, për veprime të mëtejshme”, njofton policia.



Artikulli paraprak

Sinjale rinovimi nga Lazio, Strakosha kërkon 2 milionë euro në sezon

Artikulli tjetër

Një skandal i dyshuar korrupsioni shkakton krizë në koalicionin qeveritar në Austri

ARTIKUJ TE NGJASHËM

NGA AUTORI



25-vjeçari shqiptar nuk ia doli. Francesco Metushit do të prehet në Shqipëri



Makina përplasët me kamionin, humb jetën një grua



Shoqata amerikano-shqiptare, 15 mijë dollarë për familjen e nënkomisar Saimir Hoxhës

PËRZGJEDHJA E EDITORIT

Një shqiptar në krye të projektit që do të transformojë politikat madhore të SHBA-së

08/10/2021

Merkel refuzon të caktojë një datë për pranimin e Ballkanit në BE. Macron vendos...

06/10/2021

Kush është Gledis Nano, drejtori i ri i Policisë së Shtetit

06/10/2021

Pandora Papers: Gjithçka që duhet të dini për kompanitë offshore dhe parajsat fiskale

05/10/2021

Na ndiqni



American EYE është portal info-analitik për zhvillimet kryesore nga vendi, rajoni dhe bota.

Na kontakoni: americaneye.info@gmail.com
Nipt: L71409003J

SIPAS KATEGORIVE

- Kryesore
- Politika
- Aktualitet
- Ekonomi
- Përzgjedhja e editorit
- Bota
- Kulturë

- Opinione
- Extra
- Speciale
- Kuriozitete
- Showbiz
- Horoskopi
- Shëndet
- Sport
- Histori